



Na osnovu Odluke o subvenciji poslovnim subjektima na području grada Srebrenik za ublažavanje posljedica uzrokovanih stanjem nesreće broj 07-480/20 od 11.05.2020. godine, Grad Srebrenik objavljuje:

JAVNI POZIV

za dodjelu subvencije poslovnim subjektima na području grada Srebrenik za ublažavanje posljedica uzrokovanih stanjem nesreće (COVID-19)

I

(Predmet javnog poziva)

Predmet Javnog poziva je dodjela subvencije poslovnim subjektima na području grada Srebrenik za ublažavanje posljedica uzrokovanih stanjem nesreće (COVID-19).

II

(Pravo i uslovi prijave)

Pravo prijave na Javni poziv imaju poslovni subjekti na području grada Srebrenik odnosno: pravna lica (izuzev javnih preduzeća, banaka i drugih finansijskih organizacija, priređivača igara na sreću, udruženja, javnih institucija, organa uprave, organa i jedinica lokalne samouprave) **te fizička lica koja samostalno obavljaju registrovanu poslovnu djelatnost**, a kojima je naredbama Federalnog štaba civilne zaštite zabranjeno obavljanje djelatnosti shodno Odluci o proglašenju stanja nesreće uzrokovane pojavom koronavirusa (COVID-19) na području Federacije Bosne i Hercegovine („Službene novine FBiH“, broj 21/20).

Podnosilac prijave je obavezan ispunjavati sljedeće uslove:

- da ima sjedište, odnosno registrovanu poslovnu jedinicu na području grada Srebrenik,
- da mu je zabranjeno obavljanje djelatnosti Naredbama Federalnog štaba civilne zaštite u periodu stanja nesreće, shodno listi zabranjenih djelatnosti koja je u prilogu Javnog poziva,
- da na dan 30.04.2020. godine ima najmanje jednog zaposlenog.

III

(Obavezna dokumentacija)

- Potpisan i ovjeren prijavni obrazac sa izjavom, koji je u prilogu Javnog poziva,
- Kopija izvoda iz sudskog registra za pravna lica ili rješenje o registraciji od nadležnog, gradskog/općinskog organa za fizička lica/obrtnici,
- Kopija uvjerenja o poreznoj registraciji (ID broj),
- Kopija obavještenja o razvrstavanju djelatnosti prema Klasifikaciji djelatnosti (izdato od strane Federalnog zavoda za statistiku – Kantonalni ured Tuzla),
- Kopija potvrde o poslovnom/transakcijskom računu.



IV

(Postupak i rok prijave)

Javni poziv ostaje otvoren do **29.05.2020. godine.**

Grad Srebrenik zadržava pravo produženja roka za dostavljanje prijava.

Ukoliko u postupku ocjene prijava Komisija po službenoj dužnosti kod nadležnih organa utvrdi da je podnosilac prijave dostavio netačne podatke, protiv podnosioca će biti pokrenuti odgovarajući postupci te će isti biti diskvalificiran po ovom Javnom pozivu.

Prijave sa potrebnom dokumentacijom slati u zatvorenoj koverti lično putem pisarnice Grada Srebrenik ili putem pošte na adresu:

GRAD SREBRENİK

Stručna služba Gradonačelnika

- Komisija za ocjenu prijava za odobravanje i dodjelu subvencije -

Varoških polja bb, 75350 Srebrenik

sa naznakom „Prijava na Javni poziv za dodjelu subvencije za ublažavanje posljedica uzrokovanih stanjem nesreće (COVID-19)“

Grad Srebrenik će sa podacima iz zaprimljene dokumentacije postupati u skladu sa propisima iz zaštite ličnih podataka.

V

(Dodatne informacije)

Informacije o javnom pozivu kao i prijavni obrazac mogu se preuzeti na gradskoj službenoj internet stranici www.srebrenik.ba, kao i na info pultu gradske uprave.

Sve dodatne informacije mogu se dobiti putem e-mail-a: poduzetnistvo@srebrenik.ba ili u Službi za poduzetništvo, lokalni razvoj i investicije.

Ovaj Javni poziv bit će objavljen na Oglasnoj ploči Grada Srebrenik, lokalnim sredstvima javnog informisanja i na službenoj internet stranici Grada Srebrenik.

Bosna i Hercegovina
Federacije Bosne i Hercegovine
Tuzlanski kanton
GRAD SREBRENİK
-Gradonačelnik-
Broj : 07-480-1/20
Datum : 12.05.2020.godine



GRADONAČELNIK

dr. sci. Nihad Omerović